



雙溪醉隱集卷二

樂府

凱歌樂詞九首 并序

元

耶律鑄 著

列聖尤宋食言棄好皇帝命將出師問罪奏捷

獻凱乃作南征捷等曲云 昔我太祖皇帝出師

駐蹕鉄門閣宋主寧宗遣國信使苟夢玉通好

乞和太祖皇帝許之敕宣差噶哈護送夢玉還

其國辛卯冬我太祖皇帝南征女真詔睿宗皇帝

謂諸王大臣曰彼自食言棄好輒害我使今日
是長馳入漢中此其伐宋之端也 寧宗實錄第
四百六十一都幹苟夢玉銜命使彼宋四朝國

原作擗不罕

原作速不罕

史列傳第七十七賈陟傳苟夢玉使北還宋閣州譙慶茂所編蜀邊事畧紹定元年戊子制置使鄭損與所代官四川制置使桂如淵會于順慶使以時相所喻和義密指告之且畀以朝廷所授苟夢玉使北錄二冊理宗寔錄第八十三紹定四年辛卯北使蘇巴爾罕來以假道合兵為辭青野原沔州統制張宣誘蘇巴爾罕殺之理宗日歷第三百九十五十月二十一日沔州統制張宣誘蘇巴爾罕殺之西姚弼朝辭進對次奏通好北朝事上曰以我朝與北朝本無纖隙不必言和只云通好足矣孰食其言敢殺信使孰曲孰直明矣故詳而疏之

南征捷

食言自是是証天遊鼎魚疑戲洞淵征信自從天北極

目無江表已多年

拾遺錄瀛洲有洞淵廣千二有魚身長千丈鼓舞戲其中

拔武昌

設奇色敵縱蒙衝絕似飄風捲斷蓬填得大江流不得

先聲已不見江東

戰蕪湖丁一洲曰戰

舳艫千里蔽江湖摘挑樓船為騷掃除先直前鋒三十

萬一通嚴鼓盡為魚

下江東

舉國全兵失要衝可無一策抗元戎細推餘百年來事

合冊江神拜上公

定三吳

奮威驍騎下三吳神將飛馳一丈鳥視彼衆雖百千萬
黍民遊動跨玄駒

克臨安

擬歌陌上行人去猶自傳歌陌上花花解語時應也問
既今春色媚誰家坡仙有陌上花其序云遊九山聞
每歲春必歸臨安王以書遺妃曰陌上花開可緩緩歸
矣吳人用其語為歌思宛轉聽之淒然而其詞鄙野為
易之云陌上花開蝴蝶飛江上猶是昔人非貴民幾度
垂垂老遊女還歌緩緩歸陌上山花無數開以人爭看

翠軒來若為留得堂堂
去且更從教緩緩迴

江南平

橫野萬艘金翅艦總戎一冊玉鈴篇長江豈恨天南北
萬劫坤靈戴一天橫野大將軍位
次與諸將絕席

制勝樂辭

燁音耀威靈結陣鋒信爭敵愾獻殊功全師保勝清時
策元在天聲震蕩中

聖統樂辭

幸值聖朝臨御日更逢文軌混同時升薰天地神功頌

潤色光天統業辭

後凱歌詞九首

至元丙子冬西北藩王弄邊明年春詔大將征之

奇兵

一旅奇兵出禁宸略時彈壓定驚塵蕭條萬里無遺寇
信道天家又得人

涉幕

金節煌煌下玉京魚麗三十六屯兵一軍電激穿沙幕

萬燧雲繁戰野營

時大將北討偏師雲繁敵于大漠

鳥將

張良傳諸將皆與上定天下鳥將也漢高紀燕人來致鳥敵助漢應劭曰鳥健也張勇曰鳥勇也若六博之鳥也愚以為六博得鳥者勝故以

鳥將命篇

鳥騎雲騰自北征領軍鳥將最馳聲橫穿外壁風前陣
宜擣中堅月下營

翁科原作盟昆

蜂屯蚕簇亂山窩螳動鶉居亂草坡霑體露形千萬指
懇祈天語許降和

煌金

畔敵休矜戰騎多紛羅區落遍山坡那知未鼓投戈地
待閱前徒競倒戈我軍與敵陣於煌金未鼓敵潰投降者什五六馮奉世傳將軍有畔敵之名注曰不敢當敵功戰為畔敵也煌金地名在和林之西南

降王

控黃龍戍爭雄地登白龍堆搏戰場奇正相生神算在
冀除勅敵獻降王

科爾結 原作濶措

初若疾雷威似虎復如脫兔速如神想當持節為飛將

祇是如今著翅人我軍輕騎取敵輜重于科結蓋河勇趨捷號為著翅人南地也後周韓果北山敵人悍其勁

露布

露布突馳爭逐日電鞭撓遍闔追風只身向時龍尾道
羣來雲集萬寧宮

燭龍

封略誰能限燭龍終將天地入牢籠雲興颺起威名將
也好先收第一功遺敵出奔西北大荒唐燭龍軍之邊地也

凱樂歌詞曲 并序

周禮大司樂曰王師大獻則令奏凱樂大司馬
曰師有功則凱樂獻于社司馬法曰得意則凱
樂凱歌以示喜也崔豹古今注引周禮王大捷
則令凱樂軍大捷則令凱歌與其所引不同周
禮無凱樂凱歌之別然則豹之辯君臣尊卑之
說于理為得不無所據郭茂倩編次樂府詩集
有晉凱歌二首隋凱樂歌辭三首唐凱樂歌辭
四首凱歌六首咏其君臣殊勳異績聖上恭行
天討北服不庭問罪南舉江表國家萬事不可

不述擬唐凱歌體敢作凱樂凱歌云

征不庭大駕北

天下英雄入彀中得無威震折遐衝會須六幕氛霾了

化日長明照九重

取和林居也復皇

龍飛天府玉灤春德水清流復舊痕金大安元年河清

庚午我太祖皇帝經畧中原易乾鑿度曰聖人受命瑞必先見于

應先見于河河水清坤靈圖曰聖人受命瑞必先見于

水見史記唐凱樂歌詞千年德水清自非電斷光前烈
誰得重霑雨露恩聖朝太宗皇帝城此起萬安宮城西

北七十里有苾伽可汗宮城遺址城東北七十里有唐明皇開元壬申御製御書闕特勤碑按唐史突厥傳闕特勤骨咄祿可汗之子苾伽可汗之弟也名闕可汗之子弟謂之特勤開元十九年闕特勤卒詔金吾將軍張去逸都官郎中呂向齋璽書使北吊祭并為立碑上自為文別立祠廟刻石為像迄今存焉其碑額及碑文特勤皆是殷勤之勤字唐新舊史凡書特勤皆作街勒之勤弟也謹字也諸突厥部之遺俗猶呼其可汗之子弟勤苾二字當汗猶朕之子也唐新舊史並作毗伽可汗以碑文為正

下龍庭乎定北

翠華一動下龍庭生意還從一氣生樂國得非壽為域聖人須自有金城東漢書燕然銘凌高闕下雞鹿經磧

龍庭以前後諸傳事跡故之又以出塞

金蓮川所駕還幸

金蓮川上水雲間營衛清沈探騎閑鎮西虎旅臨青海追北龍驤過黑山子史所載山不一北中黑山又多皆非子史中所見者

析木臺弄兵取敗

辟易天威與勝風一場摧折盡西鋒西北龍荒三萬里併隨驅策入提封上都親擊敗西北弄兵藩王于

駐蹕山所駐蹕

轅門鼓角揚屯戍營幕旌旂掣朔風相與山河雄帝宅

威稜尤壯受降宮

益屯戎

詔諸王益戎兵也

睿算籌勢萬全益屯貔虎在雄邊東連玉塞西通海南

接金山北到天

恤降附

優詔存恤降附也

一新汙俗浴恩波天地間人感慨多我澤如春民似草

聖元天子布陽和

著國華

西北諸王稱藩繼有平南之捷也

四海承風著國華更无龍虎陣名也漫紛拏際天所覆

人間地今日都須是一家

後凱歌詞九首

名際諸軍有事于朔方也

戰盧朐

神策霆聲振九區縱兵雷合戰盧朐競將蔽野衝雲陣

只片時間掃地无

區脫

雲屯區脫會天兵雷動龍趨從北平馳驅日逐飛龍陣

夜薄花門偃月營國朝以出征獵帳幕之無輜重者皆謂

之區脫史傳所載區脫即此史記中間棄地各居其邊
為甌脫韋昭曰界上屯守處索隱曰纂文云甌脫土穴

也又云是地名前漢書漢得甌脫王發人民屯甌脫以
備漢晉灼曰甌脫王因邊境所以為官蘇武傳區脫捕得
生口服虔曰區脫土室北人所作以候漢者也李奇曰
北入邊境羅落守衛官也師古曰區與甌同區脫本非
官號北人邊境為候望之室若今之區與甌同區脫本非
解不同故備錄之以各居其邊及備漢捕生口之說明
之是邏遠者之
營幕也審矣

克夷門

蟻擾蜂喧笑騎過鼓俛爭自落長河人人聞說空鞍馬
不似今番數最多

高闕

駢馳追銳翼摧鋒鳥獍窠巢一夜空光射鉄六寒透徹

冷風如箭月如弓
我軍有掩遺敵于高闕塞
武靈王築長城自代傍陰山下至高
闕青將六將軍出朔方高闕漢書衛青李息出雲中至
高闕後漢書祭彤出高闕塞吳棠出朔方高闕則其地
也通典高闕唐屬九原郡九原縣西北到受降城八
里唐書今之西城即漢之高闕塞也北去磧石三十
追銳摧鋒
皆軍名也

戰焉支

羽檄交馳名虎賁期門受戰已黃昏信剪鯨鯢知有處
山川爭震蕩乾坤
焉支山在張掖右軍殄敵二大憖于
此霍去病涉狐奴轉戰過燕支山即

也此

涿邪山

鼓譟謹山撼涿邪飛龍彫修翼掩騰蛇露營罷綽神鋒

弩雲陣猶轟霹靂車我軍敗敵于涿邪余嘗有處月說

郊和林城唐碑文也未曉處月之為此云云南隣處月之

為之說云云處月之強弩都尉路博德會涿涂山注音

軍公孫敖出西河與強弩都尉會涿山注音

邪前漢書因杆將軍出西河與強弩都尉會涿山注音

漢書祭彤傳出高關塞九百餘里得小山妄言以為涿

于涿邪山憲傳鄧鴻與後諸軍會涿邪然山銘溫馬犢王

絕大漠踰涿邪漢兵來悉度漢去班固燕然山銘溫馬犢王

紀其先本號又聲轉為處月按唐山在涿邪中為月也涿邪後聲

南其新書北號又聲轉為處月按唐山在涿邪中為月也涿邪後聲

養之長求姓衆云人共育得大山中見一諸邪小兒為遂收而遮

荒訛也此說可笑朱邪即華言以邪為族二邪字俱是華言邪者

為父也諸遺俗初至今亦呼其後聲轉為朱邪又其地亦以諸人

願諸部遺俗初至今亦呼其後聲轉為朱邪又其地亦以諸人

曰沙土曰漠其說得之即金華鹵地呼也西漢注薛瓚

山之陽蒲類海之東皆沙漠積鹵地也西漢注薛瓚

滿當作蒲

曰霹靂車騰蛇陣名見後魏書飛龍亦陣名
義者哉云曹孟德攻袁紹為發石車紹言眾號
通其指義所記之語既無本字豈有釋所言之
其音聲之近似不可見其訓故者釋所言之
夏方言尚不及所能同况中人音輕重緩急而
從其鞮譯容禿髮訛為吐蕃若此類不可勝
搖訛為慕容禿髮訛為吐蕃若此類不可勝
柔然後曰蠕蠕又曰篤篤又曰篤篤又曰篤
毒又轉為天篤又曰篤篤又曰篤篤又曰篤
今又語訛聲轉而為文作竺竺又轉為竹音
為父也諸遺俗初至今亦呼其後聲轉為朱邪
願諸部遺俗初至今亦呼其後聲轉為朱邪
曰沙土曰漠其說得之即金華鹵地呼也西漢注薛瓚

金滿城

元取北庭都護府府境都鄙有城曰金滿城後

漢書云金滿城此其西域之門戶也

寄重旌分閩外憂順時驅率萬貌貅迴臨金滿城邊日
奄奪蒲昌海氣秋

金水道

旁張虎翼挽風陣直突龍地城嚴雪山連夜可通金水道
防秋豈在玉門關

京華

橫車組練似春花來自天涯與海涯說道掃除氛祲了
凱還歌奏到京華

德勝樂二首

揖讓躋龍歷謳歌適鳳符鑿空十萬里攘地幾千都
神斷光宏業天威震八區控弦三百萬自號感恩都

騎吹曲辭九首

金奏

大夏王庭前納款大秦歸義繼來降舞鸞歌鳳音相和
未許天山數帝江
大夏國大秦國皆見漢書王庭歸義州見唐書羈縻州府

玉音

燕巢飛幕負恩私遠近囂然共一辭列聖玉音明在耳

敢忘龍道請降詩

白霞

前騎傳聲掩白霞後軍猶未過烏沙勢須貴合為猿臂
相制尤當似犬牙白霞在
和林西

眩雷

毳幕雲羅寒露野羽旄星属眩雷鄉悔將覘望風塵眼
不為長觀日月光

塞門

邏騎紛紛與後軍寇遮相窺隙伺殘昏憶曾延敵臨高闕

示歛疑兵突塞門

受降山

望風降附祈為地披露精誠示所天若非上將龍旂下

會是中軍虎帳前

自高闕之捷敵眾稍稍來附我軍遂
屯古受降城山下其土俗曰拂雲堆

者此也由是知其非漢公孫敖所築受降城是唐張仁
愿所築三受降城之中受降城也因以受降名其山即
述其事云

鳳林関

祇須盡敵巡烏水未可移屯過鳳林切索更虞蜂蠆毒
恐還爭縱虎狼心

司約

留犁可教要撓酒徑路何為更契金事豈出人明算外

慕容虛美漫薰心北中諸國風俗凡大盟約必以金屑

昌光祿大夫張猛與呼韓邪單于為盟約呼韓邪單于

徑路契金留犁撓酒應劭曰徑路北人寶刀也留犁飯

七也撓和也契金着酒中撓攪飲

軍容

雖許王侯復正封養威尤可耀軍容漁陽馬厭銀出草

雞鹿屯營鐵堠峯銀山在北都護府境土人謂之苦迷

謂鉄堠者在金山下

後騎吹曲詞九首

吉語

交鋒接矢無虛月按甲休兵定幾時計日必須聞吉語

敢先期獻凱歌辭

金山

黃花堆上冷雲間擴騎雷奔去又還說敵紛爭自相潰

迴戈霆闌過金山

天山

曜我皇威下帝臺靈旂真儻北庭開定應六出奇寒雪

瀚海陰風結陣來

處月

陳兵濶里黃蘆淀轉戰斜車尺遮白草峒飛騎星馳穿

處月追亡逐北入沙陀我軍敗敵右部于處月濶里嶺

濶里南大漠又去斜車西南數百里

獨樂河

貝胄星離爭射日蜂旗雲合迥生風雷馳霆擊相紛薄

獨樂河邊水草中唐史獨樂河又曰獨邏河

不周

熊罷此去從天定梟獍當來自不周清一八絃天意在

已教尅復了神州

逸綈絲

長驅席卷盡連營震攝黔雷撼北溟虎豹騎從雲騎隊

幾臨西極到殊庭

邏迤

磨崖金字崑崙頌勒石銀書邏迤銘且述要知方畧在
聖人不戰屈人兵

柔服

柔服禺強總四溟神開寶歷見時情夜陪萬國昇平望
蹈詠清風播頌聲後漢書崔駰傳
詠太平之清風

古戰城南

結陣背南河指頽望城北冠軍申號令謂彼是勁敵今
朝一戰在有國與無國但得社稷存此命不足惜風雲
為動色士卒為感激竒正遽雷合橫衝奮霆擊雌雄勢
未決忽忽日將匿以劔指羲和揮戈呼上天日天地有
情時敢乞饒一擲貔虎空張拳搏戰到昏黑忽焉如海
泄聲震裂區域對面不見人何許可追襲平明按戰所
澗壑盡平磧畢賀雪前恥有力于王室拜詔未央宮哀
懇辭封邑五湖舊烟景先師有遺跡

戰城南

自來古戰場多在長城南少在長城北茫茫白骨甸如
何直接黃龍磧或云自從漢武開西域耗折十萬衆博
得善馬數十匹奮軍勢務鏖擊往來誰洗兵赤河水猶
赤終棄輪臺地其地于中國失之且何損得之本無益
歷計其所得皆不償所失雖下哀痛詔追悔將何及此
是萬萬古華夏覆車轍底事魚緣其軌迄李唐競喜邊功

好大矜英哲明皇不慮漁陽厄萬里孤軍征碎葉通鑑

十年安祿山兼領三鎮是歲高仙芝及大食戰於怛羅斯城敗績隻輪曾不返得無五

情熱暴殄生靈塗草莽忍徇虛名為盛烈君不見世間

入心固結是謂帝王真統業君不聞四海內有美談至

元天子平江南何曾漂杵與溺駢聖人有金城貴謀賤

戰不戰屈人兵白骨旬在唐獨龍軍地有西僧智全者該通漢字云古老相傳白骨旬從漢時

有此名

結襪子二首并序

帝王世紀曰文王伐崇侯虎至五鳳墟襪係解

顧左右無可使者乃俯而結之武王至商郊牧

野誓衆左仗黃鉞右秉白旄王襪解莫肯與王

結王乃釋旄鉞俯而結之漢書王生襪解張釋

之跪而結之唐李白結襪子詞大抵言感恩之

重而以命相許也郭茂倩編次樂府詩集所序

如此燕南壯士吳門豪筑中置鉛魚隱刀感君

恩重許君命泰山一擲輕鴻毛太白結襪子辭

也可謂絕唱然則高漸離專諸之任君子不取

詳味題意細繹史氏感恩許命則太公其人也

太公八十

文孔叢子太公八十而遇而遇文王武

王三年

史記作十一年

牧野之戰大公年近九十時諸

侯兵會者車四千乘紂之兵七十萬太公與百

夫致師驅之紂眾畔崩是其感恩許命之效也

故作前結襪子壬子歲夏聖上在潛僕受再生

之恩自上即真西北諸藩美兵不已因作後襪

子以寫愚懇非敢傳諸作者庶可示之子姪而

已

前結襪子

五鳳聲騰白日光牧野昏荒慘無色精誠一作風雲感激致
師人叱咤雷霆覺天窄

後結襪子

未應一吐一作只明月珠便欲延光萬千一作載諸吞集

鏡剪鯨鯢直蹴崑崙過西海

前突厥三臺

驢騎生馬射鷗兒恰似征西小月氏笑說漢家將野戰

得非是我受降時

鴈門閨壯北分降地馬邑山前已拜一作戰旗盡道漢家無

顧藉錦帆終不有迴期

後突厥三臺

陣雲寒壓渭橋低四野驚雷殷鼓鞞約定引還雲騎去
一時爭噴北風嘶突厥凡征戰惡馬噴
貌虎揚威指顧間先聲已碎玉門關向來香火情何在
已說元戎逼鐵山

婆羅門六首

有索賦婆羅門辭者時西北諸王弄邊余方閱
西域傳因為賦此迴樂峯前沙似雪受降城外

月如霜不知何處吹蘆管一夜征人盡望鄉唐
婆羅門詞也樂苑曰婆羅門商調曲開元中西
涼府節度楊敬述進會要曰天寶十三載改婆
羅門為霓裳羽衣

熱海氣蒸為喜雨凍城寒結就愁陰中心甚欲期中真宰

教使人知造物心安西都護境內有熱海去熱海四十里有凍城唐新史同

雪海迤延窮地界雪山迢遞際天涯但為日月光臨處

終一魯偏照一家雪海在安西都護境唐新史同雪山在其東鄙

青嶺亘如頽碧落赤河長似浸紅霞是天柱折天傾處

龍戰重淵尚攫拿

安西都護境內有青嶺與赤河唐新史同

黃草泊圍青草甸白楊河繞綠楊堤依然名是叅天道

誰使唯聞戰馬嘶

北庭都護境有白楊河及黃草泊唐新史同國朝所設驛傳東臨三韓西

抵濛汜黃草泊白楊河皆正驛路處也

弓月山風長似箭燭龍軍火亂如星祇除盡挽天河水

可洗兵塵戰地腥

北庭都護府有瀚海軍本燭龍軍也府境有弓月城弓月山是謂弓月道

出兵路也唐梁建方嘗為弓月道總管

黑水且誰為翠水白山元來是冰山得非烟客乘龍火

為煽洪爐到世間

天山軍在西州交河郡夏絕無雨其熱甚于炎方唐舊史北庭都護府自

永徽至天寶管瀚海天山伊吾三軍天山一名白山以其四時冰雪不消因以名之唐新史北庭都護府境內有黑水及黑水守捉

上雲樂

金天老文康平居隘神州金丹清真仙相將汗漫遊同

流六合棲遲七邱涉歷八表盤桓十洲鵬其化龍其變

地軸為之回其運天輪為之平其轉日域為其上陽宮

月窟為其清涼殿鸞鷲是家雞狡狴是家犬真樂萬春

為局促待把三光更舒展非聖不足知天長將地遠扶

桑有時枯濛汜有時竭南山有時摧鈞天有時闕殊度

仙曲擬進帝闕九成玄雲六變絳雪五色成文而不亂
庶可播振芳聲騰浩劫上天下地惟康老畢竟誰能知
歲月玄都仙伯太山老叟延致異鳥名曰希有一翼左
覆東王公一翼右覆西王母得人備羽駕故能出入遊
造化逍遙巡宇宙感麟鳳在郊藪至道之國常為稱首
驟來輒敢戀月明表其老耄知去就擁仙仗携仙友褒
拜聖君奉神貺鳳簫在前鼉鼓在後玉堂在左錦瑟在
右作天樂獻天授天授樂名若鳶自歌鳳自舞焚返魂香頂
玉斗健舞起自補天手浩歌發自談天口仍倚鳳臺曲

鳳凰和九奏南極老人稱觴北斗挹酌天酒願與九州
四海同上千萬歲壽古今樂錄上雲樂有鳳凰曲又有
鳳凰臺曲和云真樂萬春太山老
叟見容齋五筆載五
方老人祝聖壽文

門有車馬客

烏鵲繞屋鳴有客停征駢問客何自來君家寄家書攝
衣起迎客開書多苦辭薜花不長好玉顏亦易哀水行
有却流人行無反期置書拜謝客豈不心懷歸事君有
明義不得顧所私作書附客返路遠幸勿遺上言重自
愛下言長相思相思勿相怨自古多別離

夜起来

是處歌聲席一一凝塵埃羞掩合歡帳獨燭夜明苔徙
倚立中庭候虫一何哀滿天秋色裏鴈過黃金臺所願
隨清風明月入君懷中心有勞結期以向時開願想就
珍簞還出繞蘭塔美人來幾時知人起夜来

採荷調并序

汎舟方湖見其荷盤布濩露珠凌亂有歌蔡蕭
閑翁翠盤高走夜光詠蓮樂府催酒遂以荷杯
相属偶憶江從簡採荷調擬賦此樂府廣題曰

梁太尉從事中郎江從簡為採荷調曰欲持荷
作柱荷弱不勝梁欲持荷作鏡荷暗本無光以
刺何敬容敬容時為宰相覽之不覺嗟賞愛其

巧麗

荷盤承露珠何時成夜光荷盖承日華何地得清涼雖
曰是荷衣且難作霓裳雖曰是荷杯長難酌酒漿欲以
荷作鈿不可飾時粧欲以荷為錢不可博明璫擬荷如
寶鏡不能照膽知肝腸擬荷如紈扇不能鮮潔如雪霜
其莖有輕絲難織錦流黃其氣有微馨難劑水沉香有

名無實不足取似是而非良可傷流螢將擬流火鳥亦與姬發呈休祥

大道曲

春風吹綉陌花荷滿帝鄉樹絲柳裊芳煙細用黃金縷分明須盡是引傷人心處車馬往來塵儘結成紅霧樓上琵琶聲倚歌臨大路鄭重且一作休教放得春迴去

玉華鹽三首并序

樂府雜記載隋薛道衡昔昔鹽一首又曰析析鹽唐趙嘏廣昔昔鹽為二十章樂苑以為羽調

曲樂府詩集又有無名氏昔昔鹽一首朝野僉載龍朔已來入唱歌名突厥鹽容齋載元怪錄蘧蓀三娘工唱阿鵲鹽又黃帝鹽白鵠鹽神雀鹽踈勒鹽滿座鹽歸國鹽唐詩媚賴吳娘唱是鹽更奏新聲刮骨鹽然則歌詩謂之鹽者如今行曲引之類也因獨醉園對雪作玉華鹽三曲云

玉華仙詠玉華鹽愛玉華鹽分外甜但是梨花春在處不消重設却寒簾梨花春見吉甫詩長恒沾此酒樂天詩青旂沽酒起梨花時俗號為梨花

春吉甫詩中所載亦
樂天所詠梨花春也

玉妃隱映水精簾相與天花舞畫簷玉潔水清誠可愛

不因仍更有人嫌韓昌黎雪詩白帝盛
羽衛從以萬玉妃

瑞雪香融注玉蟾羨誰家醉捲珠簾風流柳絮因風起

只謝娘宜唱是鹽白霄有雪香酒玉
蟾蓋名見逢原記

沐浴子

濯纓與濯足應欲任其真沐芳及浴蘭應務潔其身難

洗耳中事易洗心上塵世間原自有常是洗心人一作
祇當

憐洗耳不
似洗心人

築城曲

一行杵後一行錐只是嫌虛恨役遲誰謂築城堅不得

堅城豈在隱金椎隱去
聲

五言古詩

古意

黃鵠一作鴻鵠巢高林黿鼉穴深淵且各獨棲宿人獨胡不

然釋耕於壠上妻子耘其前人笑苦畎晦何以遺子孫

聊以一二答不可來備論人皆遺以危我獨遺以安春

風吹布袖雲滿鹿門山

遊僊

絳節擁紅雲鳳吹隨鳶扇遊歷萬華宮轉宴諸仙殿金
母願接權玉真求識面為我問謝一作時人誰曾是媒援
高蹈步天衢真遊不知倦又遇西王母屢會瑤池宴仙傳
王母瑤池宴前後三千年蟠桃開一遍為問羣仙幾見
宴蟠桃也春風面

真遊挾飛仙

真遊挾飛仙懸居何縹緲琪樹不知秋玉庭長似曉碧
落無纖翳天衢淨如掃底許吟真聲仙韶動雲表容與

太素域時復隨青鳥朝遊閶風苑夕宴蓬萊島昌城玉
蕊花崑墟玉紅草可醉亦可玩堪期後天老

問真宰

九色夜明珠豈不有光彩終惜暗投入含情欲待誰不
惜珊瑚鞭為君策駑駘此意竟何如將何問真宰

小垂虹

虹光迥回遠似令殊有待延留五色節俄軫九華蓋秦
山是邱垤黃河細如帶且昔欲誰知遊心在天外
村行一篇未第時在大坂作

青山護村落暗水通溝渠人行未忝間漫漫迷所之里
社壓新醪擊鮮賽叢祠田父相勞苦雨暘無失時龍骨
掛屋教秋熟可預期行行度崗澗泉石多幽竒微風發
清籟好鳥吟高枝此中有佳趣豈無幽人知去住兩不
可空吟招隱詩

隋堤田家行

日月會龍虬三農能事休犁杖倚空室霜林卧羸牛十
二三年間不如今歲秋田翁復何事終不信眉頭云以
縣官令稅租俱見收赤窮固有命白著非自由又云有
飛詔少壯不一留半鑿通濟渠半構迷藏樓言罷長嘆
息涕淚交橫流出門竟無語回首漫夷猶

送胡壽卿南歸

雲山千萬里馳駟來帝闕君自到和林寓居四踰月客
中太寂寞鹽鹽事孤潔錦衣歸故里薄官試鹽鐵匹馬
歸君歸関山正黃葉征鴈聲淒淒悲笳嗚咽咽回首南
州道行人愁欲絕龍庭八月初西風吹寒雪之子到甘
棠黃菊重陽節信筆作此詩贈子以為別

送潤甫行得水字

拊節過行雲浩歌山色裏落絮積晴雪東風吹不起遠
道趨鵬程相思若為已攬轡入長烟孤吟送春水

送友還燕然

去年來帝闕籬落正黃菊今年還燕然春光明遠目再
三挽不留歸心何太速回首落花多滿川紅簌簌馳驅
萬里程阿誰慰幽獨寂寂寒山行寂寂寒山宿啼鳥幾
聲遲淡烟芳草綠東風千里人明年半軒竹漢苑穴狐
兔姑蘇走麋鹿功名半紙薄興亡等棋局可笑百年身
黃梁猶未熟不發離別嘆不唱陽關曲桃李醉逢場夕

陽到船玉

對竹引

勁節凌雲漢沈沈翠如束春靜鎖窓深驚風碎寒玉聯
聲金鳳凰雙飛夜雙宿寂寞野桐花年年老空谷

雲霄沈沈
一作森森

剪流水

莫持金剪刀決絕剪流水莫將尺素書慇懃託雙鯉水
豈是人情魚豈知人意魚水自相親肯與人為計

同心結

湖中已種藕湖邊還種柳柳絲與藕絲同在佳人手除是結同心同心最長久

春自來

日月双飛翼天地一遺卵無天地不卑無日月不滿時序相代謝曾不偏寒暖晝夜互乘除曾不有長短因窻萬物情凝神頓舒緩斷知春自來何須候灰管西天諸國歷議

亦云天地之形如卵

對酒

淒者淒音縷

沈杯杓醇醴同一味狂風偃秋草蘭艾同一

悴賢愚不同調賢愚酒見薰蕕不同氣如何昧去就欲

令為一致安得使賢愚各分于一氣器安得使薰蕕各生

於一地我志誠如斯未審化工意

真金不死鄉

真金不死鄉真境延間燕燦燦瓊瑤樹朝映朝元殿靈景一何清寂然聞鳳嘯但見玉階前遊蜂弄花片

對月吟擬諸公體

獵人設網羅不掛月中兔豈無烹兔意難求登月路月殿兔長生人間幾今古抱杵影徘徊天狼空自苦樵者

勞斧斤不斫月中桂豈無薪桂思難籌攀月計月殿桂
長榮人間幾興廢倚鏡影婆娑天風搖不碎傾影聽人
歌揚輝伴人舞何事在華筵分明作賓主蹤跡各無聊
乾坤兩栖旅舉酒壽姮娥向人終不語

七言古詩

讀新樂府

霓裳羽衣曲玉樹後庭花不知相與迷春夢綿歷人間
第幾家

苦旱嘆

六月亢旱田苗枯自嗟自嘆耕田夫差官咫尺征秋稅
今歲田家一粒無飢民日日望霖雨雨意欲成雲散去
天公胡不用老龍年年祇被蛟螭誤

觀友人所藏佛牙

竺朝大士哀羣靈出自大教拔幽沈漢明夢兆頗神異
具書梵譯來千岑翕然風譽聳華夏寶方精像輝雲林
傳聞遺骨未灰朽流散諸國磨古今竭來偶得見一齒
照坐燦爛如瓊琳當時左右廣長舌咀嚼風雷興潮音
炯如珠珞吐光怪洗我曠劫塵埃襟目瞻頂禮固其事

豈必宰堵埋千尋憑君韞匱善持護為絕陰怪窺窬心

漆城謠

漆城光蕩蕩寇來不得上一朝變起望夷宮不及思旃

魯技懣

述實錄四十韵

脩征蜀道錄每以二鼓為期方息中夜聞笛既

覺想寔錄事跡亦如夢寐愴然無以為懷述此

寫之

承天聖祖開天業四海為家盡臣妾規模宏遠古無比

太祖封諸親王封域東盡東海西盡統緒豈唯垂萬葉

西海自古未有規模如此之宏遠也

竭來海水不揚波向見靈河已清徹金大安元年河清上下數百里次年

應先見于河河水清河清之徵太祖皇帝受命之符也

際天所覆樂心戴愈見人情皆感切折衝猛銳盡陳力

骨鯁貞良成就列龔行天罰攘檣槍著處鯨鯢殊前截

列聖未出無名師歷世彌光先聖烈推亡固存非一國

迷不知時非俊傑世評青野食前言辛巳年宋主寧宗遣國信使苟苟玉

通好乞和太祖皇帝許之敕宣差噶哈護送還其國辛巳年宋主寧宗遣國信使苟苟玉

野原宋馬州統制張宣誘蘇巴不若犬偷及鼠竊誣天

復敢拘行人後戊戌年七月哩密什等妄專狙詐誇明

哲國猶攝生貴處順水背流時源易竭即今日削盡疆

場其勢得無憂迫脅若然仍不畏天威曷異螳螂怒當

轍未知其可將蠻觸相與區區較優劣武皇問罪揮天

戈徵發諸軍自崙碣翠華遙下五雲來輒報錦城氛稜

滅方入蜀使告扈蹕貔貅三十萬爭欲先驅掃妖孽搏

熊攫豹捷飛猱諸將緣蜀道搏熊豹赴險蹈虛矜胆決

紛馳傳檄啟途使英蕩輔之龍虎節懸崖萬仞入雲端

前馬不行應氣攝虹梁縹紗駕層霄興利州至三泉縣

百十八間護險偏闌共四高興動人殊可悅若非由蜀

道萬七千一百零三十四間飛仙嶺相傳徐佐卿化鶴踰

道百餘間即騰傾湍瀑翻驚濤怒震橫流還送折千岩萬

壑入蜀路般晴雷捲起千堆萬堆雲飛閣尤非地上行劔門呀

似天中裂劔州劔門縣在北東五十里酈元水經注曰

道壁立千尋冷翠屏碧霞城擁清都闕振衣直上玉女

臺下視煙塵望吳越五丁碎徙青黛山萬簇蚕叢一作

亂堆疊金城雖包裹全蜀勝負莫非由勇怯孰云無所

騁騎驍閉口勢何勞捕舌時得宋熾九書云云雖天表

應未誘虫萌堪嘆顛蒙與天絕之劍門苦竹隘招寧知皇

化如時雨欲濟迷津作舟楫會聞蓬閣朝真仙蓬閣等州皆納

降土簞食壺漿盡迎謁紛綸諸將無虛日爭奏歸明爭獻

捷旌門勅樹受降旌時旌門外賴樹受旌凡異致窮民

遂安帖莫知天欲將何如英猷一旦為虛設無雷東陲

孤山峯御營東山驚風西捲旂杆折御營西軍龍橋忽

為悉中圯攻釣魚山上下夔鼓訇然尋亦歇大駕戰鼓初聞數十

里之外後雖忍令飛駕鼎湖龍持拔龍髯墮塵劫列仙傳丁

約曰儒謂之劫世釋謂之劫劫笛聲喚得夢回來梅梢猶印西窻月

密谷行

金崇慶間添壽榮祿領駭果駐京畿為聲援聞

聖朝太祖皇帝圍守西京東海遂命添壽將諸

路兵八十餘萬號稱百萬援之仍賜手詔曰今

悉國力當北清方次密谷口時太祖皇帝親率

大軍先以前騎三千嘗之大軍繼至未鼓敵潰

全軍覆沒

金命驍銳為聲援選步騎發畿甸號稱一百萬一一皆精

鍊旌旗虹亂渡桑乾絢野如花陳組練移圍布陣密谷

口吞敵出奇將伺便前拒避賈勇中堅已受戰天兵震

天威不異弄雷電先驅遊擊隊勢若風雲變陣兵有風陣鷗

鷗橫秋空奮翼鷲雞犬斯須踏音籍盡八九終了不曾

還一箭永安宮大安殿方待凱旋迴賜宴惟有孤臣鬢

成雪綠底眉頭殊不展智謀士見未然事竊嘆衆皆非

所辯參政孟鑄數上書言北堪憐當日金原氏誰編良

將忠臣傳金原氏實錄孟參政鑄無傳添壽榮祿有傳

蜀道有難易并序

李白作蜀道難以罪嚴武後陸暢感韋臯之遇

作蜀道易云蜀道易易於踐平地戊午秋予入

蜀漫天嶺阻雨次年迴至此嶺帶雨因二公之

作為賦蜀道有難易云

有言蜀道難有說蜀道易難於上青天易於踐平地說

易有所媚說難有所激君曾不見與前脩折衷誰秉江

山筆我來高蹈仙人蹤控御遺風縱遊歷連雲氣象霸

圖中世俗總號蜀道險阻形勝限疆域黑龍衝斷萬層

山駭浪轟雷恣奔擊攢峰疊嶂冷雲間綿亘倚天駢翠

壁飛梁架雲棧勢欲跨南北虹橋絡河漢鳥道掛空碧

歷其天險臨其峻極望舒按節陽烏歛側一作翼擬循雲

路趨鵬程仰天直上青雲梯躡空且何異登仙但覺日

月行寢低終踰絕險得馳驟驟步媧皇補天石微茫一

逕通烟霄攀緣更上蒼龍脊彌旬霖雨秋行潦迷原隰

豈不慮蹉跌路歧多墊溺一聞漫天名心寒已如失况

復墜大道與道為通塞無慮千籌將萬計智推力引方

行得請設漫天前後論蜀道一言或可畢未應難於上

青天飛閣通連通利走去聲名趨日夜往來何絡繹不應

易於踐平地棧磴缺尋引天荒地老蕭條斷絕人聲跡

致令振古豺狼心曾不祈天賭一擲自蠶叢且稽代謝

幾人家一作恃險曾終吉適足笑王公設險以守國在德

不在險昭然如白日上青天踐平地始可與之言其道

難與易行路之難難於上青天蜀道之難若此行路是

平地出處雖然全在人世路不能無險易畏途豈可比

青天誓鏹漫天作平地

送楊子陽南還

鞭催瘦馬出龍庭白酒一杯送子行山頭積雪寒皎潔

風物淒淒傷別情窮廬水澌結吟硯行人欲去愁展轉

功名入手頭未白世態浮雲幾千變何如有酒且高歌
百歲風光如過電如過電人生幾度春風面

送玄之

東風二月吹和林綠楊庭院空深沉整襟危坐罷舜琴
時聽百鳥自在吟泠泠流水漱寒玉半天蕭颯松風音
呼童為我金波斟悠然一笑忘古今書齋盡日無人到
門掩落花春自老裴回杖履夕陽閒回首春風又哀草
長安遠客來紫宸紅塵滿面初相親挑燈風雨秋夜永
詩成落筆愁鬼神縱橫論議小天下當時誰謂秦無人

一朝別我出祁連黑山風雪十月天分襟執手小溪邊
何時客床相對眠他年乘興遊京洛詩酒無寒金谷約

送趙敬叔

去年見君瀚海東蒼松鬱鬱山重重今日送君之鎮陽
寒烟漠漠天蒼蒼休嘆蕭蕭行路難兩袖春風衣錦還
二年兩度客天涯離合都無咫尺間一罇白酒羨君侯
入手功名正黑頭今年旱蝗民切痛賦稅須知有輕重
一生富貴將幾何西風吹破邯鄲夢自愧趨鳳池空有
別離詩紅塵無處避擾擾心如醉何時高隱舊林泉臥

看人間等兒戲

送人還鎮陽

雲黯慘風浩蕩故里風光空想像寒餘三月索貂裘凍
崖冰雪三千丈天淡淡路茫茫送君萬里還鎮陽楊花
點點山城雪啼鳥一聲春晝長多離別少歌笑功名催
促行人老玉簫吹斷碧雲寒梨花寒食空過了君不見
洛陽樓觀今蕪荒梧桐葉落秋風涼寒波寂寂山蒼蒼

吹韻趙德載大監餞行

君不見畢毛召芮強周宗亮天不朽言行功間平歆向

漢人望道宗孝恭唐治戎一時入相九才傑白賀胸中
五色茸聖朝舉親加擢簡封植教誘從元豐蕪臯卑飛華
岳隼鼓車暫屈翔麟名還喻蜀監王國三雍入對文

清雄昨者臨分勤造請是時暑退火星中公瑾之交似
醇酎吉甫之頌如清風博山麝炷玉鎮席翠壁雪乳金
塗龍小人自分悠悠者裨謀野淵明窮急觴高詠鼓
英氣颯然危冠髮上衝端敏高明必貴達果信頑鄙根

中庸

摘阮行呈呂西岡

西崗老子古鄭客灑落心胸如唐一作李白或歌或嘯或

吟臥一作吟哦散萬壑清風松下座呼童取得古錦囊

月魄囊中暗驚墮制度風流特奇絕韻高不許俗人別

試問先生是何物云是阿咸葵時物英雄無限俱為土

如何此物傳今古寥々千載阿咸志憑誰寫出阿咸意

悠然抱此明月腹林下溪邊時一曲十三玉柱秋蟾淨

指底松風四絃冷大絃烏烏純且雅小絃切切清且勁

秋高千穴寒泉瀑露滴銅盤碎金玉千岩夜雨猿鶴悲

半夜西風鬼神哭物奇不肯人間住變作孤鶴上天去

長笛續短笛引并序

戊午歲秋有自長安特遺余名笛數管短長大

小不一余素蓄玉笛因戲作長笛續短笛引為

贈

長笛短笛有指的清濁有氣亦有質李暮吹笛動長安

寓內競推為第一笛聲斷絕續者誰得許雲封繼其跡

落梅宛轉折柳聲許雲封說笛有落梅折柳不止飛砂

將走石石裂雲穿天亦驚吟龍許雲封怨笛雲封煙鎖

不可開直至如今吹不得有客手把昭華琯未應曠代

無人識什襲天然希世珍尤當祇自私珍惜會須竒寶

吐竒聲宋玉笛賦芳林皓筭有竒寶邪穢氣隨聲蕩滌靜尋白雪引

流風開元傳信記云予慮遺忘上清之樂故懷玉笛以手指上下尋之馬融賦中取度于白雪綠水也

擬寫幽情聊自適遂據胡床弄秋月蕭條萬籟沉凝寂

凡奏一疊十二節每發一聲累九息流韻寥亮入太清

嫋嫋餘音遊八極但聞天外鸞鳳鳴豈知海底魚龍泣

高遷亭化為灰燼平陽塢久生荆棘揄揚天下之至音

非為俗輩驚結習伶倫嗟味願從事列和悵然尋屈膝

武昌武老人請易業洞庭老人還自失欲儷清歌妙入神

惜無李白生花筆孰知時尚紫雲迴屢變新聲延化日

天祐竹

魏創紀勳觀齊崇嘉德樓忍名天祐旌功閣圖寫朱三

在上頭

戰扼狐

我太祖皇帝未始輕出無名之師太祖皇帝伯

父錫巴哈汗為女真之害所害南伐中原此其辭

也前戰扼狐嶺下敵之精銳盡於是役

龍旂天上來神兵落天闕問罪下中原先有扼狐捷勅

原作威補海可汗

敵四十萬一何爭勇決衝鋒競突刃奮不待成列矢雨
注鼓雷疊長兵盡短兵接勢霆擊天柱折聲海振地維
絕烈日照雪霜幾何不殄滅若是數百陣然後成帝業
信道守文元不易聖統在垂千萬葉敢忘開國緬良難
太祖新征戰時節

說苑武王伐紂云云
武王曰天落兵也

五禽言

大麥熟簸箕漏麥飯熟即快活提葫蘆沽美酒
燒香撥火不如歸去五禽也

我愛五禽言味之殊有味不惟由此知物情更是分明

見天意大麥熟簸箕漏傷時節感農叟麥飯熟即快活
祛顛頷略契濶提葫蘆沽美酒繞山溪占花柳燒香撥
火願言康且壽不如歸去莫饒舌只合吞聲牢閉口

放鴈詞

啣蘆遠避鴛鴦聲人間多避海東青冥飛休近雙鳧遊
恐因悞引到天明稻梁足網羅輕湖海多洲汀太虛魚
鬩且何慕鸚鵡玉籠籠下生與爾同六翮好去恣騰騰
若期寥廓求希有必欲翱翔從大鵬宜審遙弓鳴勿為
虛弦驚古來惟有一更盈

司隼聆駕鴦聲其目可擊者
即縱海青或失駕鴦必及他禽

採蓮曲

錦雲承露珠盤冷玉女佩環鳴玉井凝歌聲入天鏡來
蘭橈擾碎蓬壺影弄香浮葉一何繁翠蓋霞幢不齊整
可是芳心空自若凌波無夢惟烟景

長相思

燕子不來花着雨鶯聲巧作煙花主滿庭重疊綠苔斑
斜倚蘭干臂鸚鵡清渭東流劔閣深不知消息到如今
相思前路幾回首一夜月明千里心

壺天園歌

三十六洞天七十二福地共春長在一壺中儘可浮遊
與一作沈醉

乾海子

余因六盤之變經西夏信都府過乾海子是夏
其地無雨草萎水涸北中凡陂灤皆謂之海子
沙葱焦枯沙蓬乾海子乾枯龍子殫顧非海變桑田日
如何一旦無涓滴琴高控鯉遊何許好探麻姑問消息

龍子馬
名也

紀夢

衰草淡煙迷故壘壘情思迢迢似流水關山目斷雁聲沉
幾曲欄干悶獨倚倚欄還憶早春時軟軟東風綻桃李
青春如昨歲云暮大抵人生如寄耳如何携酒對明月
一笑紅塵等白蟻歸來夢蝶惱莊周蝶去悠悠幾千里
吟哦猶在月明下詩就清歡未能已舉手欲折桂枝去
行入青天廣寒裏

松聲行

水淙淙山重重前溪後嶺萬蒼松我來秋雨霽夜宿深
山中霜寒千里龍蛇怒巖谷蕭條嘯貌虎波濤漾漾生
秋寒碧落無雲自飛雨瓏瓏兀兀驚俗聲龍聲餘韻飄蕭散
碧空悠然策杖出門去方知萬壑生清風清歡一夕無
今古勾引幽一作人風雅句那堪更被山頭月團圓掛
在青松樹

和漢臣秋日海棠

魂黯馬嵬西去路當時生被春風誤嫣然猶自帶餘醒
貪睡那能慰遲暮難寫花如生舊所思褪香愁雪淡胭脂
黃昏庭院瀟瀟雨更是梧桐葉落時

大水行

屯雲黑色日將暮晦明揮霍雨如注水聲夜半搖匡床
平旦出門吁可畏盤渦滌滢吞邊旁悍流洶湧行中央
日中雨後綆縻下溝塍水躍皆渾黃黑風拗怒雷擊地
浪頭起立三丈強杈枒老木根株拔峻嶒古屋椽楠裂
快馬萬蹄迸突而憑凌靈龜百面頤洞而砢碎銳兵鏖
戰城柵倒猛虎嗥吼崖谷崩旁觀氣奪目力眩瀕流上
下俱寧不升高辟害叫舟楫篙工倚柂不敢行寂寥向晚
頗衰落斷霞返照回新晴鳥飛不盡天界濶蒼烟淡
山青：街孟引滿幸無恙收召魂魄猶屏營往年秋水
沈半壁闔門九死得一生今日思之痛方定一見洪波
心震驚吾聞山挾河回衝底柱東峽江盤束投灩澦魚
龍百怪家其中風清濤暴橫無終窮小溪常時清且淺漪
漣不動平於板淺津可涉涉可梁一旦沸騰能漭茫傳
聞潰澗山裂破黑蛟夜出作竒禍抉崖走石勢力粗十
家六七無空廬百年枯椽尚漂泊變生倉卒人為魚君
不見去年四月不雨至七月澗溪一綫皆斷絕川居人
曾死於暘山居人今死于溺下田黃塵曾蓬勃高田白
沙今障沒呼嗚災變何其頻勦民之命誰肯任蒼天蒼

天寶照臨

十四夜月

秋風滾地來雲捲河漢淨遙觀東海底飛出黃金鏡雖
未十分圓桂魄明且瑩停杯對清輝信筆成新詠慙
舉盃囑姮娥休阻南樓夜來興

夏夜對月

斜陽樓閣西風裏暑氣著人難睡起覺來厭暑登東樓
月明如晝天如水金波漾漾流魚聲中秋月好常人情
青天休使浮雲蔽不是中秋月也明

謹上尊大人領省壽

驅馳半世誰能曉一點丹衷天可表中原不忍萬民疾
肯羨蝸蠅利名好桑田晚見白蘋洲天上人間無限秋
筆頭橫掃千人軍詞源倒捲銀河流閑來高臥煙霞裏
笑看浮生等蟻白高歌一笑迴東風春滿漫山桃與李華
堂壽筵張再拜獻壽觴試看南山松栢姿一作樹歲寒依
舊色蒼蒼

仰祝尊大人領省壽三首

帳前驚報天子來臨車下馬疑魚猜攀車引袂呼不起

勳勳酣寢聲如雷

風雲千載際會秋堂上嚴君正黑頭君王一顧開天下
春滿中原四百州

蒼蒼松柏貫四時造物兒童元是私戲綵高歌獻壽卮
壽卮願約乾坤金期

哭尊大人領省

尊大人領省臥疾日忽謂人曰天帝適新起寶
輪請吾為記記已成吾為汝輩誦之誦數過左右
無曉書者即忘之又云天上寶刹亦成鐘聲甚

佳謂侍疾者曰汝聽此否乎後數下有白雲突出
帳中如虹蜺然上徹霄漢終日不絕人皆哭曰

公行矣尋薨

孤兒淚眼空流血一夜不知渾白髮寶燈輪畢新記成
夢斷踈鐘吼殘月白雲隱隱入青冥生死悠悠兩長訣
人間天上父子情遺憤有身終盡雪

瑞井行

赤子半入井寧無惻隱心急走掣其足啼號嗷以啗其
親即偕來翕然集四鄰將謂相謝不世息忿呼惠詰渠

何人令我見哭聲酸幸中心自誓救顛墜孰顧若輩怨
且嗔君子謀道不謀身

去婦怨

最苦人生生別離忽忽輕別幾時歸紫簫吹落燕南月
麗澤門開馬似飛雨晴不定雲來去老鴈叫雲雲不住
琵琶撥盡斷腸聲斷絃聲斷秋雲暮

